



Broj: 02-05-274-3/13  
Sarajevo, 10.01.2013. godine

Na osnovu čl. 22. i 24. stav 4. Zakona o Vladi Kantona Sarajevo ("Službene novine Kantona Sarajevo", broj: 24/03 - Prečišćeni tekst), Vlada Kantona Sarajevo, na Sedmoj sjednici održanoj 10.01.2013. godine, donijela je sljedeći

## ZAKLJUČAK

1. Utvrđuje se Prijedlog zakona o izmjeni Zakona o plaćama i naknadama u organima vlasti Kantona Sarajevo.
2. Predlaže se Skupštini Kantona Sarajevo da razmotri i donese zakon iz tačke 1. ovog Zaključka po hitnom postupku, u skladu sa članom 159. Poslovnika Skupštine Kantona Sarajevo („Službene novine Kantona Sarajevo“, broj: 41/12 - Drugi novi prečišćeni tekst).

P R E M I J E R

Suad Zeljković

Dostaviti:

1. Predsjedavajuća Skupštine Kantona Sarajevo
2. Skupština Kantona Sarajevo
3. Premijer Kantona Sarajevo
4. Ministarstvo pravde i uprave
5. Ministarstvo finansija
6. Evidencija
7. A r h i v a
- 8.



web: <http://vlada.ks.gov.ba>  
e-mail: [vlada@vlada.ks.gov.ba](mailto:vlada@vlada.ks.gov.ba)  
Tel: + 387 (0) 33 562-068, 562-070  
Fax: + 387 (0) 33 562-211  
Sarajevo, Reisa Džemaludina Čauševića 1



Bosna i Hercegovine  
Federacija Bosne i Hercegovine  
KANTON SARAJEVO  
VLADA

**ZAKON  
O IZMJENI ZAKONA O PLAĆAMA I NAKNADAMA U  
ORGANIMA VLASTI KANTONA SARAJEVO  
(PRIJEDLOG)**

**Nosilac izrade:**  
**Ministarstvo pravde i uprave**  
**Ministarstvo za rad, socijalnu**  
**politiku, raseljena lica i izbjeglice**  
**Ministarstvo finansija**

Sarajevo, januar 2013.godine

Na osnovu člana 18. tačka b) Ustava Kantona Sarajevo („Službene novine Kantona Sarajevo”, br. 1/96, 2/96-Ispravka, 3/96-Ispravka, 16/97, 14/00, 4/01 i 28/04 ) i čl. 59. i 60. Zakona o plaćama i naknadama u organima vlasti Federacije Bosne i Hercegovine („Službene novine Federacije Bosne i Hercegovine”, br. 45/10 i 111/12), uz saglasnost sindikata, Skupština Kantona Sarajevo na \_\_\_\_sjednici od \_\_\_\_\_2013. godine, donijela je

(PRIJEDLOG)

**ZAKON**  
**O IZMJENI ZAKONA O PLAĆAMA I NAKNADAMA U ORGANIMA**  
**VLASTI KANTONA SARAJEVO**

Član 1.

(Izmjena i dopuna člana 5. Zakona)

Član 5. Zakona o plaćama i naknadama u organima vlasti Kantona Sarajevo („Službene novine Kantona Sarajevo“, broj 33/11) mijenja se i glasi:

„Član 5.

Vlada Kantona u dogovoru sa sindikatom utvrđuje osnovicu za obračun plaća u skladu sa članom 5. Zakona o plaćama i naknadama u organima vlasti Federacije Bosne i Hercegovine, s tim da se ne može utvrditi veća osnovica od osnovice utvrđene na federalnom nivou.“

Član 2.

(Stupanje na snagu)

Ovaj zakon stupa na snagu osmog dana od dana objavljivanja u „Službenim novinama Kantona Sarajevo“.

Broj \_\_\_\_\_  
Sarajevo \_\_\_\_\_ 2013.godine

PREDSJEDAVAJUĆA  
SKUPŠTINE KANTONA SARAJEVO

Prof.dr. Mirjana Malić

## **O B R A Z L O Ž E N J E**

### **PRAVNI OSNOV**

Pravni osnov za donošenje ovog zakona sadržan je u odredbama člana 18. tačka b) Ustava Kantona Sarajevo, kojim je utvrđena zakonodavna funkcija Skupštine Kantona u oblastima koje su u isključivoj nadležnosti kantona, kao i čl. 59. i 60. Zakona o plaćama i naknadama u organima vlasti Federacije Bosne i Hercegovine (dalje: Federalni zakon), kojim utvrđeno način utvrđivanja osnovice za obračun plaća u kantonalnim organima i način utvrđivanja koeficijenata.

### **RAZLOZI DONOŠENJA**

Zakonom o izmjenama Zakona o plaćama i naknadama u organima vlasti Federacije Bosne i Hercegovine („Službene novine Federacije Bosne i Hercegovine“, broj 111/12), koji stupa na snagu 3. januara 2013. godine, izvršene su izmjene odredaba čl. 59. i 60. Zakona, kojim utvrđeno da će vlade kantona, u dogovoru sa sindikatom, utvrditi osnovicu za obračun plaća u skladu sa članom 5. ovog Zakona, te da se ne može se utvrditi veća osnovica od osnovice utvrđene na federalnom nivou, kao i da se koeficijenti i platni razredi zaposlenih u organima vlasti kantona utvrđuju zakonima o plaćama i naknadama zaposlenih u organima vlasti kantona, a da će se zakonima o plaćama i naknadama zaposlenih u organima vlasti kantona, propisati koeficijenti za izabrane dužnosnike, nosioce izvršnih funkcija i savjetnike u kantonalnim organima vlasti, s tim da se ne mogu utvrditi veći koeficijenti od koeficijenata utvrđenih u članu 9. ovog Zakona.

Prilikom utvrđivanja koeficijenata kantoni će propisati iste koeficijente za ista radna mjesta u okviru istih platnih razreda za državne službenike i namještenike u skladu sa odredbama čl. 20. i 21. ovog Zakona.

Zbog toga je neophodno odredbe člana 5. Zakona o plaćama i naknadama u organima vlasti Kantona Sarajevo uskladiti sa ovim izmjenama

Navedene izmjene omogućavaju Kantonu da, u dogovoru sa sindikatom i na način utvrđen u članu 5. Federalnog zakona utvrdi visinu osnovice prema finansijskim mogućnostima Kantona i to tako da se visina osnovice za obračun plaće utvrđuje na osnovu najniže neto satnice dogovorene sa sindikatom na način da se najniža neto satnica množi sa fondom radnih sati u mjesecu.

Osnovica za obračun plaća se utvrđuje prije donošenja budžeta za narednu fiskalnu godinu, a primjenjuje se od 01.01. za svaku narednu godinu i usklađivat će se sa odredbama Zakona o budžetima u Federaciji Bosne i Hercegovine, odnosno sa raspoloživim sredstvima za ove namjene predviđenim u budžetu.

Ukoliko se Vlada i sindikat ne dogovore o visini osnovice, ranije dogovorena osnovica ostaje na snazi do dogovora vlade i sindikata, a najduže do 90 dana.

Za obračun i isplatu mjesečnih novčanih naknada po ovom zakonu primjenjivat će se koeficijent u skladu sa Zakonom o budžetima u Federaciji Bosne i Hercegovine.

Što se tiče izmjena člana 60. Federalnog zakona, one su već primjenjene prilikom donošenja kantonalnog Zakona o plaćama i naknadama u organima vlasti Kantona Sarajevo, odnosno propisani su isti koeficijenti za ista radna mjesta.

### **PRAVNA RJEŠENJA**

Član 1.- Član 5. Zakona izmijenjen je utvrđivanjem da se Vlada Kantona u dogovoru sa sindikatom utvrđuje osnovicu za obračun plaća u skladu sa članom 5. Zakona o plaćama i naknadama u organima vlasti Federacije Bosne i Hercegovine, s tim da se ne može utvrditi veća osnovica od osnovice utvrđene na federalnom nivou.

Ovo znači da se osnovica za plaću utvrđuje zavisno od finansijskih mogućnosti Kantona, a u skladu s načelima fiskalne odgovornosti iz člana 3. tačka c) Zakona o plaćama i naknadama u organima vlasti Kantona Sarajevo.

Član 2.-Utvrđen je uobičajeni rok za stupanje na snagu zakona.

### **PRIJEDLOG PO HITNOM POSTUPKU**

Predlaže se donošenje Zakona po hitnom postupku iz razloga prevazilaženja finansijskih poteškoća i spriječavanja daljeg urušavanja fiskalnog sistema budžeta Kantona Sarajevo te spriječavanja daljih tužbi budžetskih korisnika po osnovu razlike plaća i drugih prava.

**FINANSIJSKA SREDSTVA POTREBNA ZA PROVOĐENJE ZAKONA**

Provođenje ovog zakona izvršiće se u skladu sa budžetskim sredstvima predviđenim za ove namjene u Budžetu za 2013. godinu.



Broj:08-03-02-31584  
Sarajevo,04.01.2013.godine

**MINISTARSTVO PRAVDE I UPRAVE  
O V D J E**

**PREDMET:** Mišljenje  
Veza: Vaš broj:03-07-02-31559/12 od 31.12.2013.godine

Ministarstvo finansija nema primjedbi na Prijedlog zakona o izmjeni Zakona o plaćama i naknadama u organima vlasti Kantona Sarajevo.

S poštovanjem,



**MINISTAR**

**Muhammed Kozadra, dipl.ecc.**



web: <http://mf.ks.gov.ba>  
e-mail: [mf@mf.ks.gov.ba](mailto:mf@mf.ks.gov.ba)  
Tel: + 387 (0) 33 565-005, Cent.+ 387 (0) 33 565-000  
Fax: + 387 (0) 33 565-052 i 565-048  
Sarajevo, Maršala Tita 62





**SAMOSTALNI SINDIKAT DRŽAVNIH SLUŽBENIKA  
I NAMJEŠTENIKA U ORGANIMA DRŽAVNE SLUŽBE,  
SUDSKOJ VLASTI I JAVNIM USTANOVAMA**

Obala Kulina bana 1  
tel. 033 207 024, fax. 033/219 503  
**SARAJEVO**

Broj.: 01 - IV - 11/13  
Sarajevo, 04.01. 2013. godine

Bosna i Hercegovina  
Federacija Bosne i Hercegovine  
**KANTON SARAJEVO**

PRIMLJENO:		
Organizaciona jedinica	- 4 - 01 - 2013	Broj priloga
03	02	125

**BOSNA I HERCEGOVINA  
FEDERACIJA BOSNE I HERCEGOVINE  
KANTON SARAJEVO  
MINISTARSTVO PRAVDE I UPRAVE**

**PREDMET:** Mišljenje-saglasnost na prijedlog Zakona o izmjeni  
Zakona o plaćama i naknadama u organima vlasti  
Kantona Sarajevo-dostavlja se

Samostalni sindikat državnih službenika i namještenika u organima državne službe, sudskoj vlasti i javnim ustanovama, nakon razmatranja dostavljenog prijedloga Zakona o izmjeni Zakona o plaćama i naknadama u organima vlasti Kantona Sarajevo, je saglasan sa predloženim tekstom prijedloga, imajući u vidu da je isti usaglašen sa Zakonom o plaćama i naknadama u organima vlasti Federacije Bosne i Hercegovine („Službene novine Federacije Bosne i Hercegovine“, br. 45/10 i 111/12).

S poštovanjem,

Predsjednik  
Salih Kruščića, dipl.pravnik





Broj: 09-02-31585/13  
Sarajevo, 04.01.2013. godine

KANTON SARAJEVO  
MINISTARSTVO PRAVDE I UPRAVE

04-01-2013

**PREDMET: Stručno mišljenje na prijedlog Zakona o izmjeni Zakona o plaćama i naknadama u organima vlasti Kantona Sarajevo.-**

Na osnovu člana 2. Uredbe o Uredu za zakonodavstvo Vlade Kantona Sarajevo ("Službene novine Kantona Sarajevo", broj: 7/06-Prečišćeni tekst) i člana 4. Uredbe o postupku i načinu pripremanja, izrade i dostavljanja propisa ("Službene novine Kantona Sarajevo", br. 21/11-Novi prečišćeni tekst i 30/11-Ispravka), Ured za zakonodavstvo Vlade Kantona Sarajevo, daje slijedeće

**MIŠLJENJE**

1. Prijedlog Zakona o izmjeni Zakona o plaćama i naknadama u organima vlasti Kantona Sarajevo usklađen je sa odredbama ustava i zadnjim izmjenama Zakona o plaćama i naknadama u organima vlasti Federacije Bosne i Hercegovine, a što je navedeno u obrazloženju prijedloga ovog Zakona.

2. Dostavljeni materijal je pripremljen u skladu sa Uredbom o postupku i načinu pripremanja, izrade i dostavljanja propisa ("Službene novine Kantona Sarajevo", br. 21/11-Novi prečišćeni tekst i 30/11-Ispravka).

Dostaviti:

1. Naslovu
2. Evidencija
3. Arhiva



SEKRETAR

Ahmed Ljubović, dipl.pravnik



web: <http://uz.ks.gov.ba>  
e-mail: [ured@ks.gov.ba](mailto:ured@ks.gov.ba)  
Tel/fax: + 387 (0) 33 560-448  
Sarajevo, Hamida Dizdara 1





## **PRILOZI**

### **USTAV KANTONA SARAJEVO**

Član 18.b)

Skupština Kantona:

- b) donosi zakone i druge propise u okviru izvršavanja nadležnosti Kantona, izuzev propisa koji su ovim Ustavom ili zakonom dati u nadležnost Vlade Kantona;
- 

### **ZAKON**

#### **O PLAĆAMA I NAKNADAMA U ORGANIMA VLASTI FEDERACIJE BOSNE I HERCEGOVINE**

(Izvod)

Član 5.

Način utvrđivanja osnovice za obračun plaće

Visina osnovice za obračun plaće utvrđuje se na osnovu najniže neto satnice dogovorene sa sindikatom na način da se najniža neto satnica množi sa fondom radnih sati u mjesecu.

Osnovica za obračun plaća se utvrđuje prije donošenja budžeta za narednu fiskalnu godinu, a primjenjuje se od 01.01. za svaku narednu godinu.

Osnovica iz st. 1. i 2. ovog člana usklađivat će se sa odredbama Zakona o budžetima u Federaciji Bosne i Hercegovine, odnosno sa raspoloživim sredstvima za ove namjene predviđenim u budžetu.

Ukoliko se Vlada Federacije i sindikat ne dogovore o visini osnovice, ranije dogovorena osnovica ostaje na snazi do dogovora vlade i sindikata, a najduže do 90 dana.

Za obračun i isplatu mjesečnih novčanih naknada po ovom zakonu primjenjivat će se koeficijent u skladu sa Zakonom o budžetima u Federaciji Bosne i Hercegovine.

Član 59.

Vlade kantona, odnosno općinski načelnici i gradonačelnici u dogovoru sa sindikatom će utvrditi osnovicu za obračun plaća u skladu sa članom 5. ovog Zakona.

Ne može se utvrditi veća osnovica od osnovice utvrđene na federalnom nivou.

Član 60.

Koeficijenti i platni razredi zaposlenih u organima vlasti kantona, općine i grada se utvrđuju zakonima o plaćama i naknadama zaposlenih u organima vlasti kantona, odnosno odlukama gradskih i općinskih vijeća o plaćama i naknadama zaposlenih u općinskim odnosno gradskim organima vlasti.

Zakonima o plaćama i naknadama zaposlenih u organima vlasti kantona, odnosno odlukama gradskih i općinskih vijeća o plaćama i naknadama u općinskim odnosno gradskim organima vlasti, propisaće se koeficijenti za izabrane dužnosnike, nosioce izvršnih funkcija i savjetnike u kantonalnim, gradskim i općinskim organima vlasti, s tim da se ne mogu utvrditi veći koeficijenti od koeficijenata utvrđenih u članu 9. ovog Zakona.

Prilikom utvrđivanja koeficijenata kantoni, općine i gradovi će propisati iste koeficijente za ista radna mjesta u okviru istih platnih razreda za državne službenike i namještenike u skladu sa odredbama čl. 20. i 21. ovog Zakona.

**ZAKON**  
**O PLAĆAMA I NAKNADAMA U ORGANIMA VLASTI KANTONA SARAJEVO**  
(Izvod)

Član 3.

(Načela za utvrđivanje visine plaće)

Pri određivanju iznosa plaća i naknada za zaposlene u organima vlasti Kantona poštivat će se sljedeća načela:

- 1) Ista plaća za isto radno mjesto: prema ovom načelu zaposleni u organima vlasti koji obavljaju poslove istog radnog mjesta odnosno iste ili slične poslove imaju pravo na istu osnovnu plaću po vrsti i stepenu stručne spreme;
- 2) Transparentnost: u skladu sa ovim načelom, prilikom raspisivanja javnih konkursa i oglasa za popunjavanje radnih mjesta obavezno se objavljuje podatak o pripadajućoj osnovnoj neto plaći za oglašena radna mjesta;
- 3) Fiskalna odgovornost: u skladu sa ovim načelom, vodeći računa o nesmetanom funkcionisanju organa vlasti Kantona, Vlada Kantona će za korisnike budžeta koje tretira ovaj zakon utvrditi jedinstveni isplatni koeficijent za obračun plaće u određenom postotku za fiskalnu godinu ukoliko to zahtijeva održavanje makroekonomske stabilnosti u skladu sa Zakonom o budžetima u Federaciji Bosne i Hercegovine.

Član 5.

(Osnovica za obračun plaće)

U Kantonu se primjenjuje osnovica za plaću utvrđena članom 5. Zakona o plaćama i naknadama u organima vlasti Federacije Bosne i Hercegovine, umanjena do 10%.